

據北京大學圖書館藏清康熙二十六年鏡水堂刻後印本影印原書
版框高一九一毫米寬二六八毫米

長沙府嶽麓誌

〔清〕趙寧纂修

獄麓圖志

本院藏版

序

古昔聖王設爲五品之教振民於飽暖
代循是以建學而鍾鼓管絃以爲之器典謨雅
頌以爲之文揖讓酬酢以爲之容詠歌講誦以
爲之業其所以禁防而開發之者爲事甚詳而
爲物甚備也迨夫黨庠術序之漸衰後世自國
學郡縣學以外無有推而廣之者唐宋以來始
有書院之設然亦廢興無時或不能如夏殷成
周之盛矣今遇

大德光

徐序

卷

三

聖天子崇儒重道文教聿興海內喁喁向風凡扶桑
日出之國咸願遣子入侍觀聽圓橋是誠以治
統而兼道統由虞唐三代以後未有如

今日之至隆極盛者也猗歟休哉余以謏材恭膺
簡命節制全楚於撫輯兵農興除利弊之餘恒願化
民成俗宣揚

聖意故凡學宮之未及修葺條教之未及詳明者鼓
舞倡導之不遺餘力唯日孜孜虞其未逮幸而
帝德光被瀟湘江漢之間咸敦詩書禮樂之訓而長

沙趙郡丞所輯嶽麓書院誌適於是乎告成請序於余余按嶽麓爲扶輿磅礴之氣綿亘數百里上應朱鳥下據南離靈奇秘怪窟穴其間書院之創則始於宋郡守朱洞至南軒晦庵諸先生設臬比橫經於此生徒日數千人遂與嵩陽白鹿並傳我

皇上頒賜

御書匾額經講義于其內大道昭揭如日月之經天江河之行地諸生匡坐鼓篋朝絃而夕誦之

嶽麓誌

徐序

二

嶽麓誌

於以闡洙泗之微言發濂洛之奧義甚盛典也乃趙丞復能捃拾殘編蒐羅放失踵修前志粹美增華彙爲一書其亦可以上佐蘭臺石室之藏下補輿圖傳記之缺厥功茂矣士之披覽是書者應不徒攷其山川靈異與夫名物器數而欣欣然講肄誦習率循朱張二夫子之教訓以仰承

聖朝菁莪棫樸之化其亦庶乎無負余平日之鼓舞倡導而相得爲益彰也余因舉其說以識諸簡

端而更爲多士勉之

昔

康熙二十六年歲次丁卯二月穀旦

總督湖廣等處地方文武事務兼理糧餉兵部尚書兼都察院右副都御史徐國相題

嶽麓誌

徐序

三

嶽麓誌

序

余秉節南楚經年之後倡諸同志修葺嶽麓書院規模既具條教漸陳始循故事疏請院額經籍於

朝因通志載朱張講學之事未詳議令查覆於是備考新舊志書宋史及諸家文集所紀述再疏申請蒙我

皇上俞允

特命中翰恭齋

嶽麓志

丁序

四

御書賜額暨經史講義諸書懸貤其中

宸翰爛若雲霞講義明如星日眞足以昭垂萬世而長沙趙郡丞所修嶽麓誌適於是時告成凡疆域沿革理學源流以及幽靈秘蹟雖微必錄比舊加詳蓋嶽麓之有誌自有明正德時學使陳君鳳梧始崇正時吳生道行踵修之兵火洊經已爲煨燼四十年來無有計及此者趙郡丞因慨然撥拾殘編搜羅放佚增華趾美彙爲成書良亦勤矣或者謂衡山爲五嶽之一嶽麓又爲

衡山七十二峯之一以天下之大觀之宜若培塿然况近奉

詔令郡國志乘輿圖雖山陬僻壤罔有或遺金匱石室之藏豈復需此作者之用心不亦過乎余曰不然通誌合一省之郡邑故多而不及備府誌列十二州縣之名物亦畧而不獲詳卽衡嶽一誌以節取七十二峯之勝概則汎而不能專且嶽麓之重繫於書院皆諸儒明道繼統之地非直登臨游覽之資也試俯仰以觀古今之際自

嶽麓誌

丁序

五

屈子賈生忠憤無聊發爲騷賦後之流連憑弔世不乏人然猶託之詠歌藻麗以寄孤臣遷客之思至宋而朱公創建書院振起儒風則有濂溪先生出於道州首明聖賢性命之學繼往開來自是道統相傳龜山文定南軒晦菴諸先生皆於此地講學設教造就生徒學者之盛至此瀟湘於洙泗豈一郡邑一山水所可擬議而衡量者哉其規條整飭訓誡詳明至今讀之歷歷可爲士子法凡諸生之登斯堂者按此志以尋

則先儒之流風舊韻若或相遇於江山絃誦之間卽遐方髦士心雖嚮往未能身至於斯得此冊以觀恍然周旋揖讓於茲堂之內而得先儒精神志氣之所在亦足以陶淑性情深求自趣豈僅如少女所謂撫琴動操眾山皆響以博卧游之樂而已耶則此志之不可少而作者之意固有在也至若山川草樹所以供游衍而資多識固學者所不廢其他奇蹤幻說雖無關於儒術然故籍有之存而不忘亦以見茲舉之大意

嶽麓志

序

六

卷六

余慮觀斯志者有疑於載者之說而誤集輯之勤故撮其大指而序之如此 皆

康熙二十六年歲次丁卯四月中澣數旦

賜進士出身巡撫偏沅等處地方提督軍務兼理糧餉都察院右副都御史丁思孔題

敘

嶽麓之有書院舊矣自我

皇上褒崇先賢表章理學

御書匾額有賜日講解義及十三經世一史發蘭臺

石室之藏則山若增而高水若濬而深亭臺草

樹若卿雲湧而澍雨注也湖南距

京師六千餘里

聖化光被多士雲蒸橫經鼓篋駿駿乎鄒魯之風焉

西漢元朔東京永平之盛蔑以加矣夫大臣事

嶽麓志

金序

七

卷七

聖天子出膺民社之寄則以承流宣化誕敷文教爲先務若長沙郡丞趙君管亭之志嶽麓庶幾哉知所先務矣余覽之數其敘次山川鋪陳古蹟闡明道統擡摭藝文彬彬乎蔚蔚乎大觀哉漢史稱董仲舒公孫弘兒寬居官可紀三人皆儒者通於世務以經術潤飾吏事天子器之蓋經術者經世之權輿也士大夫沈酣六籍羹牆孔孟則所至皆有聲績表見於當世何則被服爾雅訓辭深厚離俗而近於古也觀嶽麓之志則

趙君之經術可觀矣志發凡起例不忘創始之
勢而新典首紀高皇炳煥可以昭垂萬禩南軒
考亭之所講習者將日新而富有其功於人心
世教豈淺也哉夫志岱宗者昭山靈孕毓之奇
志閩里者洵人文化成之本衡嶽七十二峯蜿
蟠磅礴至麓而渟涵無盡厥鍾聲矣書院之所
蘊結日星粲而瀟湘流於尼山杏壇爲耳孫焉
是志之美殆非斐斐之說所能掄揚也夫

賜進士傅臚翰林院檢討奉

敬覽誌

金序

八

鏡水堂

自纂修日講禮經解義明史

大清一統志

欽命貴州典試正考官前本院庶吉士楚黃金德嘉
拜撰

嶽麓書院志序

天下有四大書院而嶽麓居其一北繞洞庭南
連衡嶽巋然名秀之區也自南軒晦庵兩先賢
講道於斯四方學者接踵而至遂名聞天下歷
元明來代有遷流而書院迄今不廢豈山川之
靈歟抑志書所傳使後之誦讀者鑑古可以知
今瞻前足以勵後也兵燹之餘幾湮蔓草

大中丞丁公整躬率屬惓惓以鼓舞人才爲先務

爰葺講堂規模弘敞聿興文教多士景從殷然

敬覽誌

黃序

九

鏡水堂

有昌黎起衰之意焉我

皇上親灑御墨懸額學宮又輯經書

頒行講院直欲使斯文正脈道學淵源如旭日之

麗中天睹此曠典眞足駕三古而垂無窮矣長

沙趙郡丞好學深思欲以

當代盛事流傳永久於政事之暇取先朝陳學使
之遺書更爲網羅散帙忝入新篇彙若干卷以
成院志余披讀數過見其前有攷後有據書院
興廢一目了然將見是書行世上可脩蘭臺石

室之藏下可裨後賢學道之助不僅作區區記載之文也余樂觀厥成而書數言以誌之

肯

康熙歲次丁卯清和四月望日

湖廣湖南等處承宣布政使司布政使黃性震書於紫薇公署

嶽麓志

黃序

十

嶽麓志

嶽麓書院志序

五嶽惟衡爲最遠亦惟衡爲最峻上應朱鳥下踞離墟南指蒼梧西睨岷峨旋而東顧如見匡阜前臨湘江九向九背後繞洞庭時出時沒邇滌乾坤之污穢開擴萬古之心胷所以聖賢豪傑往往出於其間亦地氣使然也山有七十二峯爭奇聳秀綿亘蜿蜒以止於嶽麓嶽麓者嶽山之足也嶽之有麓猶陛之有級義取乎漸也而書院卽因其名而傳書院之在宇內者有四

嶽麓志

鄭序

十一

嶽麓志

其二不無異同或曰嵩陽也睢陽也或曰金陵也石鼓也並白鹿嶽麓而爲四今嵩陽睢陽金陵石鼓俱湮沒無聞獨白鹿與嶽麓以朱子故獨存嘗考三代盛時自鄉黨以達於國都皆有學自元子以至於士族皆受學其所以居之者無異處所以取之者無異路故學校之外不聞另有書院之名漢初猶爲近古諸儒以明經教于鄉聚徒講論各守師說迨其後始稍稍有學官弟子限以員數至於制舉之業興法益詳密

而人才反不逮於古可見教學相長不由於心
知而但拘成法多格格不相入而況設官置吏
驅而從事者乎趙宋祥符間有嶽麓山長周式
爲國子主簿晉講王官式固謝不奉詔卒還山
肄業如初此有志之士所以不受繩束托足名
山自爲師友而行其意於制舉之外也同其時
者宋有戚氏吳有胡氏魯有孫氏石氏各自爲
人師不苟合於世但不知曾設教書院與否姓
名聞知於上與否史無明文逸事不傳爲可惜

嶽麓誌

鄭序

十三

嶽麓誌

爾今學校之設徧天下而書院僅存一二於廢
墜之餘勢不能去學校而就書院但其所以爲
教與所以爲學不過求言語文字之工以決科
取利祿而已聖賢修己治人之道總所未講也
頤衡嶽鍾靈篤生周子於道州以上接孔孟又
百餘年廣漢張子家于潭新安朱子官於潭相
與講習於嶽麓而書院之名遂歷久而彌著至
於爲學之要則周子主靜張子求仁朱子居敬
入門雖別而歸詣則一今我

皇上崇儒重道親題賜額曰學達性天一懸周子祠
堂一懸嶽麓書院

丁大中丞仰承

上意建舍置田以贍來學員及從遊者接踵而至趙
郡丞復搜輯舊聞彙成新志俾前旨往行釐然
可考予三復成書而不禁慨然有動于中也曰
三代不易民而治豪傑不擇地而興達天德者
而後可以行王道爲真儒者而後可以輔

聖君今從學之士有能敬以求仁而靜虛動直者乎

嶽麓誌

鄭序

十三

嶽麓誌

若猶未也則請從事於嚴威儼格動容貌整思
慮正衣冠尊瞻視之數語而下學上達焉三賢
在望庶曠乎其若接不然學校書院易地而處
不易習而居亦不過勦襲前言粉飾裝綴以爲
能而並無躬行心得之益其視彼決科取利祿
者相去幾何哉

康熙二十六年歲次丁卯冬十二月甲子

賜進士出身湖廣湖南等處提刑按察使司按察使

鄭端撰

序

夫衡嶽之足曰靈麓雲興卽雨取其靈也又曰嶽麓以茲山爲衡嶽之麓也在長沙郡城西南渡橘洲數里抵山下有書院乃宋儒

朱考亭

張南軒二夫子講學之所雖世遠人湮而嶽麓之書院猶未墜者何耶或曰考亭與南軒諸公講學于茲紹性道之統其人傑地靈之謂歟或又曰稽古莫如鏡今考今可以論古我

嶽麓誌

趙序

十四

卷之三

國家定鼎以來混一海宇凜正朔而奉聲教者凡六十餘年矣乃嶽麓書院歷經兵燹幸而不致銷燬殆盡尙復輪奐改觀者賴有

丁大中丞公捐俸新之之力也長郡司馬趙君以董戒之暇蒐羅遺蹟凡前賢之片言隻字及時彥之短調長篇悉皆珍若球璧壽諸梨棗彰徽音而揚風雅意自不淺余脩官茲土督諸未乘亦有作養人才之責尤樂觀厥成也惟古帝王在上守危微精一之傳以君道而膺治統古

聖賢在下本戒愼恐懼之旨以師道而膺教統今

天子建中和之極崇儒重道表章六經孜孜然勵精圖治屢

詔大小臣工興行教化思有以正人心而厚風俗皆比物此志也凡爲子臣弟友者講天澤之義將何以荅吾

君誦溫清之文將何以報吾親釋常棣之章伐木之什又將何以酬吾昆弟友生乎必如是夙夜自

嶽麓誌

趙序

十五

卷之三

問而後可以告無歉也然則覽斯志也誰非子臣弟友各宜致知力行庶幾無負

朱張二夫子講學明倫之本非僅爲嶽麓山川志靈異也姑約舉其說以告

采風者是爲序

湖廣湖南督理糧儲道按察司副使加五級趙廷標撰

重修嶽麓志序

余重修嶽麓志既成或有詰余者曰嘗披覽與籍凡名山大川之在境內者每有紀載之文足以備世而行後焉豈徒侈聞見備遊觀之藉已乎余曰否否夫扶輿靈秀常鍾于山水而又有高賢名士登臨憑眺藏修遊息於其中垂之奕禩每有不可磨滅者况嶽麓以衡山得名衡山居五嶽之一七十二峯蜿蜒羅列而茲山名勝爲之冠亦猶泰山之有梁父嵩邱之有少室雖

嶽麓志

趙序

十六

卷本堂

物不能兩大而附麗以並傳者必有卓犖殊特之人相爲表裏攷宋開寶九年郡守朱洞始創書院咸平間詔以國子監書賜焉至乾道元年南軒張氏來主教事而紫陽朱子訪友星沙聚徒講學一時絃誦彬彬擬於洙泗厥後盛衰遞嬗不能更僕數自

丁大中丞下車以來見學舍荒蕪文教闕畧遂捐俸庀材百廢具舉生徒飢集景從攷德課藝爲數百年所未覩且復聞之於

上以請賜書旌額如盛宋故事余適承乏佐郡執掌

之餘手披舊志皆殘缺不可讀遂旁搜廣輯得以成書首紀學宮以及崇道尊經誠明敬義諸祠宇成毀沿革歲月釐然至于索峒樓之字而平成之績可思也覽赫曦之記而考亭之遺風猶在也登道鄉之臺知鄒正言以流寓著名而曩時之附勢逐客者身與名俱滅也尋三絕四絕之碑復嘆翰墨之流布不與荒烟蔓草共泯也他若仙釋之居與夫瀟湘之景亦列諸簡末俾探奇選勝者有所考稽而後此郡邑藝文之誌亦將於茲取裁也是書剞劂甫成荷蒙

嶽麓志

趙序

十七

卷本堂

皇上特賜宸翰并經史講義到院一時焜耀赫濯使往哲先儒重開生面豈非千古之殊遇與余不敏竊願登臨憑眺藏修遊息於其中者高山仰止景行行止而以紫陽諸大儒爲法不徒爲聞見遊觀之藉焉庶無負余緝續之惓惓也哉

皆

康熙二十六年歲次丁卯清和穀旦

湖廣長沙府清軍同知加二十二級山陰趙寧撰

湖廣志

趙寧

十六

卷之六

湘潭周聖楷嶽麓誌原序

嶽麓者南嶽之足也嶽之有足猶天之有柱海之有間也八柱奠倉靈之位尾閭通溟渤之氣麓山趾鵠火之墟凡一受其形於高大而不能自還於卑小則必博厚淵深以造其極類固然矣然泰華嵩恒之麓何以無專稱蓋五嶽惟衡最遠而嶽爲宗其鴻洞磅礴每多左師緩步顏厲王前之意今登麓山南指蒼梧西眺岷峽東俯塗山匡阜荒哉萬古濶乎其方來也而洞庭入百風濤日月復出沒汎席之下羅含云遙望衡山如陣雲沿湘千里九向九背乃不復見使非有麓爲之吐煙納潤承接岡陵彼鵠之首尾亦虛位焉耳安見其嶽爲宗耶予友吳去佛其尊人見可先生博雅名通嫻於史學少負其聲價輻輳諸子一不獲効用於世而卽以其勝情高韻立乎文章山水之間郡監司以下造廬而請者匪朝夕矣一旦慨然念麓山有志非山志也郡之形勝係焉非郡志也楚之文憲存焉於

嶽麓誌

舊序

十九

卷之七

是攷其源流芟其冗複繪之以圖暢之以論俾
覽志者如身在禹碑藏室間不羨臥遊也俾登
麓者如身在七十二峯之頂不費宿春也庶幾
劈巨靈之僊掌現阿閼之佛國者歟予因是而
歎麓山之麓久無人焉古人觀於嶽而知其高
於海而知其深有能會先生意旨所注而仰止
道鄉之風雨立朝氣節可噓而起探尋元晦之
水雪問學淵源可泳而及若夫射殺陶公之鱗
蒲酌西山之酒摩娑北海之碑一登眺間而惠

嶽麓誌

舊序

三

鏡水堂

流澤沛與神禹功同鐫勒此誠達士之曠觀撫
茲土者之奇績也卽不然而慕仙巢之高逸讀
書院之遺篇眞身有湖四絕有堂五嶽有樓蒼
簣有谷無不可以悟身世盛衰之故寓疆域同
風之感而極高深之致者矣豈徒一邱一壑爭
流競秀而已哉按麓山一名靈麓爲其能爲嶽
而不爲嶽高卑大小無以目之故靈之也作志
者其更有深思乎予不得而知之矣少日隱南
嶽欲撰一嶽志藁成而棄去者再今幸得披先

生之書而又不能違去佛之請縱筆述所欲言
如此耳湘潭後學周聖楷撰

嶽麓誌

舊序

三

鏡水堂

明長沙吳道行嶽麓志原序

蓋自圖書興而載筆者颺起而上之國史次之
輿地郡邑乘又次之埤諧紀錄水注山經咸足
徵時論世供采刺而備周咨是以作者不輕而
行者可遠也嶽麓神禹開疆朱張過化稱古今
名勝而志之創也始於國朝正德學臺陳公訂
於萬厯太守吳公若緇牘詮敘則古攸陳先生
耑其役於前大都重書院講學意而縣博師彭
先生詳其事於後討類頗寬廣竟亦因仍舊旨

嶽麓誌

舊序

三

鏡水堂

而差附以禹蹟城南惜陰兩書院事校輯完帙
勅成一家登之剞劂以信來茲百世而下其可
不易矣遞今人文霞燦卷帙星陳茲志且零剝
日遠索其舊語至黢黢不可識余怒焉傷之夫
嶽麓名勝猶之乎昔也而稽嶽志者不無今昔
之殊觀豈昔之創始者姑識其端而今之博採
者欲竟其全歟夫欲竟其今之全而使昔之所
創闕沒不修亦吾黨一欠事也緣屬兒曹極意
叅稽余更舉原文刪其迂繁訂其訛謬挈夫綱

析款類凡山水泉石亭臺館舍之屬簡細不遺
而又爲之修明文學標舉詞咏旁收二氏以昭
揭於世其亦庶幾乎作者之意乎而行之若可
遠矣雖然志者志其迹也循其迹而無以遊晏
忽究其迹而無以空言棄則表章書院所錄建
繕懷勝蹟所由顯余猶悠然有意乎其後之人
也崇正癸酉皋月長沙後學吳道行撰

嶽麓誌

舊序

三

鏡水堂

陳鳳梧嶽麓書院原序

踰洞庭而南山益峻水益駛獻秀爭奇地與景
迥山之雄拔者爲衡嶽水之清徹者爲湘江若
嶽麓則仰接衡山之支而俯矚湘流之匯實湖
南一大形勝也山川清淑之氣於是乎萃而書
院建焉始創者宋潭守朱洞繼之者建安劉珙
而晦菴南軒二先生相與講道於茲嶽麓之名
遂以聞於天下晦菴尋安撫湖南更建興巖以
待四方學者規模宏闊條教詳明一時湖南道

嶽麓誌

舊序

二十四

鏡水堂

化之盛至比鄒魯所謂學徒千餘人食田五十
頃載諸碑刻不可誣也世變滋久莽爲坵墟我
朝弘治間通判陳綱趙重建之而同知楊茂元
協力表章始復其舊久之叅議吳世忠按部長
沙衛正開邪陋規制弗稱議改建於舊址之左
時鳳梧適奉命督學其地力贊成之乃命攸生
陳論領書院事及行各學選取諸生有志於學
者若干人習靜其中仰止前修講明正道庶幾
一綫之不墜也而都指揮楊溥實導董其役越

嶽麓誌

舊序

三十五

鏡水堂

二載鳳梧以叅政分守再至則殿堂門觀煥然
一新兩廡齋舍有未備者乃發贖金付有司葺
之期於大成竊惟地以人勝人以道存海宇之
廣名山異境爲藏修游息之所者不可勝紀而
或泯焉無聞所寓非其人也嶽麓之有書院距
今三百餘年屢廢復興益著不朽豈非朱張二
先生道德大儒過化之地自有以興起人心於
百世之下而不容已者乎况建置沿革山川形
勝宦寓氏名與夫宮廬田畝之數古今題撰之
文皆關係於書院之大者不有以志之則渙而
無統後來者無所考安知不由此而廢也願惟
論學識端敏乃以意授之俾集次焉而鳳梧遽
以內艱歸矣今年秋論徒步千里謁予西郭草
亭間出志觀之考據周洽益愜鄙意其尤有未
瑩者復相與較訂俾適厥中而城南湘西二精
舍亦附載焉論將持歸長沙付知府陸相指揮
韓欽捐俸鋟梓置書院中於戲繼自今職守於
斯者以時修葺毋視爲疣贅之區游息於斯者

潛心實學毋假爲虛名之飾則志不爲徒而二
先生之遺化雖與天壤俱散可也鳳梧不敏賴
因序而致期勉之私云正德甲戌秋七月旣望
後學陳鳳梧書

續修四庫全書

舊序

卷六

續修四庫全書

凡例

一麓之有志自明正德間創始於學使陳公鳳梧
屬藁者則山長攸人陳論也越萬厯至於崇正
兩經續筆今所見獨郡人吳君道行崇正年間
所纂輯者按吳志希引陳氏書雖有美弗傳茲
編與馮山陶子五微蒐討釐正一遵

丁大中丞鑒裁而折衷於遂安毛君會侯未敢苟
爲經營也然不欲盡汰吳稿存瑜去瑕多載原
文標曰舊志不忘前人之用心兼示相承之有
自也

續修四庫全書

凡例

續修四庫全書

一山志體例爲規模名勝之書衡詞比義務歸太
雅舊志圖說錯雜頗類稗乘茲編彙寫諸圖列
於卷首而以紀載吟覽之章分門詮次一依記
注之體裁不亂事文之藩苑庶幾閱者可當臥
遊遊者益資欣往也

一書院自朱張紹述濂溪闡明性學後之名臣碩
儒遂多接踵是書院實乘嶽麓之靈而嶽麓又
以書院顯也故茲編大指崇重書院以示高山

仰止之意非但具圖經而資觴詠耳

一茲山遊覽篇什屢經兵燹文不足徵其可副名山者已極寥寥矣茲屬陶子再四旁求而五車難覓三篋無存實多舊聞闕畧之憾以故於後來者撫拾途寬不暇操繩尺以相進退矣

一舊志陳本已無從採訪今祇據吳本增刪其中舛錯原自不少况書冊歲久滯漫模糊莫辨星沙兵燹之後玉軸牙籤盡歸烟莽藏函古籍難覓縑緗故雖與瀉山陶子五徽細爲警勘而原

拱麓誌

凡例

卷之三

書既非善本專集又鮮旁搜魚魯尙多殊深遺憾金根豈乏敢俟後人

一國朝藝文詩歌或壯遊 京闕或遠宦他邦或徵懇懇再三而珠璣尙吝或剞劂已竣而金玉方投或蔡枕深藏遺編罔錄或雲亭無後舊著都亡故志中先後倒置登載闕如所不能免也博雅君子尙其鑒諸

國朝藝文詩歌或壯遊 京闕或遠宦他邦或徵懇再三而珠璣尙吝或剞劂已竣而金玉方投或蔡枕深藏遺編罔錄或雲亭無後舊著都亡故志中先後倒置登載闕如所不能免也博雅君子尙其鑒諸

拱麓誌

凡例

三

卷之三

同纂

長沙府知府楊威盛 常德府署府事同知孫調鼎

通判王駿 通判馮翼鳳

寶慶府知府劉光業 岳州府知府李遇時

同知張文達 同知李鍾麟

通判余啓騰 通判徐升貞

衡州府知府張乃英 永州府知府柯弼

同知遲煥 同知盧豫

通判李廷亮 通判施清

秩麗誌

卷首姓氏

一 鏡永堂

辰州府

署府事

同知何永駿

直

郴州知州陳邦器

通判羅拱宸

直

靖州知州祝鍾賢

兩桂營參將俞章言

撫標都司會書李標

司輯

長沙縣知縣朱前詒 善化縣知縣王京

湘潭縣知縣姜修仁 湘陰縣知縣唐象益

寧鄉縣知縣王錢昌 瀏陽縣知縣陳時夏

安化縣知縣吳兆慶 醴陵縣知縣賴超彥

益陽縣知縣邱仲 湘鄉縣知縣王國韶

攸縣知縣余三奇 茶陵州知州宜思恭

邵陽縣知縣王芝藻 新化縣知縣王國玉

城步縣知縣陳時臨 武岡州知州任進孝

秩麗誌

卷首姓氏

二

鏡永堂

新寧縣知縣田俞

巴陵縣知縣王惇臨

臨湘縣知縣楊敬儒

平江縣知縣鹿廷璫

華容縣知縣徐元禹

澧州知州李廷樞

石門縣知縣黃珩

慈利縣知縣胡公威

安鄉縣知縣王基羣

武陵縣知縣勞啟銳

桃源縣知縣汪玘

龍陰縣知縣蔡蔭

沅江縣知縣顧智

沅陵縣知縣于廷弼

瀘溪縣知縣孔興祥

淑浦縣知縣袁丕基

辰溪縣知縣張廷燮

沅州知州祖光佩